

卷十六

霍亂所

中惡客忤門

欬逆

下氣門

漏氣走哺門

嘈雜

痞門

疝門

厥門

吐證

卷十七

傷寒門

傷寒類證

赤水玄珠全集

冊八

赤水玄珠第十六卷目錄

霍亂門

轉筋

中惡客忤

欬逆

噫氣

下氣

漏氣

嘈雜門

眩暈門

瘡門

疽證門

厥門

吐門

赤水玄珠第十六卷

霍亂門

新安生生子孫一奎著輯

霍亂者揮霍撩亂其勢急暴有似鬼祟實非邪也乃隔不通遂致滿悶隨其勝復隔而成此前人格論

內經曰歲土不及風乃大行民病飧泄霍亂體重腹致攣轉甚則卵縮舌捲爲而爲病也夫霍亂者揮霍撩亂也其症心腹卒痛嘔吐攣轉甚則卵縮舌捲爲或吐而不瀉或瀉而不吐或吐瀉並作夫邪在上焦則先心痛而吐邪在中焦則先腹痛而瀉邪客上中二焦則吐瀉俱作甚則轉筋入腹則斃蓋陰陽反戾清濁相干陽氣暴升陰氣頓墜陰陽痞隔上下奔逆治之惟宜溫煖更詳別三因以調之外因諸風則惡風有汗傷寒則惡寒無汗冒濕則重著傷暑則煩熱又有內因亢氣所致鬱聚痰飲痞隔不通遂致滿悶隨其勝復必作吐利或諸飽食膾炙恣冷乳酪寒漿旨酒脾胃受傷遂成吐利又有轉筋者蓋陽明胃主養宗筋今暴吐下液頓忘宗筋失養以致攣轉甚則卵縮舌捲爲不治之症又有乾霍亂者上不吐下不得利壅閉正氣關格陰陽躁擾喘脹命在須臾若濕霍亂則所傷之物吐吐瀉而出吐瀉盡則止故猶可治大抵熱勝痰鬱則悶亂濕勝飲鬱則利下其治濕霍亂宜藿香正氣散加生姜不惟可以濕散風濕抑亦可以調理吐瀉其若傷暑所致者亦不可遽用香薷沉冷之劑合先用橘皮半夏生薑之類開散結滯次則以香薷五苓溫服散暑解煩或挾寒而手足厥逆腹中絞痛宜以四逆理中之

類溫之亦不可遽用峻補兜澁之劑則邪愈滋而變症百出治乾霍亂急以鹽湯灌之令其大吐庶有可生切不可與穀食恐胃中邪物吐瀉不盡新穀一入脾胃不能化轉增危殆慎之慎之大概其脉浮洪者易治若脉微遲加以氣少昏沉不語者皆難治也

丹溪曰內有所積外有所感致成吐瀉仍用二陳湯加減作吐以提其氣切莫與穀食雖米飲一呷入口即死必待吐瀉盡過二三時直至飢甚方可與稀粥其脉多伏欲絕 又曰雖已吐瀉不徹還用吐提其氣或用樟木煎湯吐之 大法生薑理中湯最好不渴者可用如渴者用五苓散亦可下者 乾霍亂最難治死在須臾升降不通邪無從出當吐提其氣極是良法世多用鹽湯爲內有食傷外有邪遏故吐之吐中就有發散之義

轉筋不住男子以手挽其陰女子以手牽其乳近兩邊此千金妙法也 轉筋入腹者死

脉訣舉要曰滑數爲嘔代者霍亂微滑者生濇數凶斷又曰滑而不勻必是吐瀉霍亂之候脉代勿訝

內經曰脉伏者霍亂脉微而澁 或代而散 或隱而伏 或大而虛 脉右關滑爲霍亂吐瀉脉結促代皆不可斷以死 脉大者生 脉洪者爲熱 絃者爲飲 氣口脉絃滑膈間有宿食留飲

縮脾飲 解伏熱除煩渴消暑毒止吐瀉宜沉冷頻服 草果仁四兩 烏梅肉三兩

甘草炙二兩半每服五錢姜十片水煎服

藿香正氣散

中濕霍亂吐瀉

蒼朮

陳皮

半夏

藿香各二錢

甘草炙一錢

姜五片棗二枚水煎服

桂苓甘露飲

中暑霍亂吐瀉發渴引飲

方見中暑

不換金正氣散

霍亂轉筋嘔吐泄瀉頭疼

方見疫門

五苓散

方見暑門

藿苓湯

外感風寒內傷飲食霍亂轉筋吐瀉

藿香

厚朴

白朮

茯苓各

錢

二分

甘草炙五分

大腹皮

紫蘇

白芷

桔梗

半夏

陳皮各一錢

肉桂

六分

猪苓

澤瀉各一錢半姜五片水煎服

訶子散

霍亂吐利如神又治心脾冷痛

訶子

甘草

厚朴

乾姜

草果仁

陳皮

良姜

茯苓

神曲

麥芽等分

水煎入鹽服

二香散

暑濕相搏霍亂轉筋煩渴悶亂

藿香

白朮

厚朴

陳皮

茯苓

炙

半夏

白扁豆

紫蘇

桔梗

白芷

香薷

黃連各一錢

大腹皮

甘草

炙

炙

五分

姜五片

葱白三根水煎服

加味四君子湯

霍亂轉筋吐瀉腹中痛體重脉沉而細

人參

白朮

茯苓各

錢

二錢

甘草炙

芍藥

良姜各一錢

姜三片

棗二枚

水煎服

通脉四逆湯

霍亂多寒內冷脉絕

吳茱萸炒二兩

附子炮二兩

桂心

木通

白芍藥

細辛

甘草炙各五錢當歸三錢

每服七錢水一鍾酒半鍾姜七片棗一

枚煎七分溫服

七氣湯

七氣鬱五臟之間互相刑克陰陽不和揮霍變亂吐利交作 半夏五兩

厚朴

桂心各三兩 白芍藥 茯苓各四兩 紫蘇葉 橘皮各二兩 人參一兩

每七錢水一盞半酒半盞姜七片棗一枚煎溫服

木瓜湯

霍亂吐瀉轉筋攣悶 酸木瓜二兩 茴香微炒二錢半 甘草炙二錢 吳茱萸

炒二兩

每服五六錢姜七片紫蘇十葉水煎服 一方無茴香

姜附湯

霍亂轉筋手足厥冷多汗嘔逆 方見寒門

加味香薷飲

伏暑吐利不止煩悶多渴 本方加檳榔黃連 每五錢水酒各半

煎服

冷香湯

夏秋伏暑引飲過食生冷遂成霍亂 良姜 附子 甘草 檀香各一錢

乾姜炒一錢

草菓一錢半 丁香三分 分二服水煎連瓶沉井內待冷服

人參散

霍亂體痛四肢逆冷服理中四順不効者 人參 白芍 川歸炒 良姜

各一兩

附子 陳皮 桂心 白朮各三錢 每五錢加紅棗三枚水煎服

活命散

霍亂吐瀉不止面色青黑垂死者 防風 姜活 獨活 乾姜 細辛

各一分

草豆蔻 肉豆蔻 川芎各五錢 官桂半分 吳茱萸 木瓜各一兩 每三

錢濃煎木瓜湯調服

回生散

霍亂不已吐利不止但有一點胃氣存無不効者 陳皮 藿香葉各五

錢水煎或為末熱酒調服

秘方

霍亂吐利轉筋神效

白扁豆葉一根 研取汁一碗入米醋同服立瘥

加減理中湯

霍亂嘔吐

白朮

人參

乾姜各三錢

甘草炙一錢

水煎服

若爲寒氣濕氣所干者加附子一錢名附子理中湯 若霍亂吐瀉加陳皮青

皮各一錢

名治中湯

若乾霍亂心中腹作痛先以鹽湯少許頻服候吐出令

透即進此藥

若嘔吐者加丁香

香半夏各一錢姜十片同煎

泄瀉者加橘紅

茯苓各一錢名補中湯

溇瀉不已於補中湯內加附子二錢不喜飲食及米

穀不化再加砂仁一錢

霍亂吐下小腹作痛手足逆冷于本方內去白朮加

熟附子名爲四順湯

傷寒結胸先以桔梗枳殼等分煎服不效者及諸吐利

後胸痞欲絕心膈高起脹痛手不可近者加枳實茯苓各一錢名枳實理中湯

若渴者再于枳實理中湯內加瓜蒌根一錢

霍亂轉筋者理中湯內加火煨

石膏一錢

若臍上築者乃腎間動氣也去朮以加官桂一錢半腎惡燥去朮

恐作奔豚也故加桂取辛以潤之 若悸者加茯苓一錢

渴欲飲水者加白

朮五分 腹滿者去白朮加附子一錢 若寒者再加乾姜一錢 飲酒過多

及啖炮炙熱物發爲鼻衄者加川芎一錢

傷胃吐血以此藥能理中脘分利

陰陽安定血脉只用本方

三因白朮散

中暑嘔吐眩暈及大病後調理失宜勞復及脾胃虛損面色青黃飲

食不思口吐酸水滑泄腹鳴飲食所傷霍亂吐瀉並宜服之 白芷 甘草炙

青皮 白茯苓 桔梗 香附子 山藥各三兩 乾姜五錢 白朮 陳皮各一兩

每一兩姜三片棗一枚木瓜一片紫蘇三葉水煎服 若吐瀉加白梅煎 喘

加桑白皮杏仁 傷寒勞復加薄荷 膈氣加木通入射香少許 中暑嘔逆

加香藿 霍亂加藿香 產後泄瀉加荊芥 氣厥加鹽煎服

調中白朮散 大病後吐瀉煩渴霍亂虛損氣弱及酒毒嘔噦 白朮 茯苓 人

參各五錢 藿香五錢 甘草炙一兩五錢 木香一錢 葛根 爲末白湯調服二錢

煩渴加滑石二兩甚者加姜汁

經驗方人參散 止吐逆及瀉後煩渴常服調中和氣 人參 茯苓各五錢 葛根

一兩 藿香 木香 甘草炙各二錢半 分三帖水煎服 瀉後渴甚者 加滑石一

錢

止渴湯 霍亂煩渴 甘草炙 人參 麥冬 茯苓 桔梗 瓜蒌根 澤瀉一葛

根各五錢 右末蜜湯調下二錢

姜鹽飲 霍亂欲吐不吐欲瀉不瀉 鹽一兩 生姜五錢搗碎同炒令色變以水一碗

煎熱溫服甚者加重便一盞

蓼湯 霍亂轉筋不止 蓼一大握水煎湯薰洗或以帛蘸湯慰患處

一方每遇轉筋時即以鹽揩擦痛處三五十匝即雖皮破亦不妨可以斷根

灸法 霍亂已死腹中尙煖猶未絕氣者 用鹽納臍中令滿大艾炷灸三五七壯

甦

麥冬湯 霍亂已愈煩熱多渴小水不利 麥門冬 茯苓 半夏 陳皮 白朮各一錢半

人參 小麥 甘草各一錢 生姜五片烏梅半個煎服

青金丹 霍亂吐瀉不止及轉筋諸藥不效者 硫黃一兩 水銀八錢 右二味銚子

內炒柳木篋子不住手攪勻更以柳枝蘸冷醋頻洒候結如鐵色即成青金丹
乃刮下再研如粉留小半爲散餘以粽子尖三個醋約半盞研稀稠得成膏丸
如雞豆子大硃砂爲衣每服一丸煎丁香湯磨化下熱服如作散服以丁香湯
調下一錢傷寒陰陽乘伏用龍腦冷水磨下一日二三服

海藏云吐瀉轉筋身熱脉長陽明本病也宜和中四君子湯平胃散建中湯 每一

兩姜五片水煎服如吐瀉轉筋自汗脉浮者四君子湯加桂五錢 吐瀉轉筋脇
下痛脉絃者宜建中加木瓜柴胡湯平胃散加木瓜五錢亦可也

建中木瓜柴胡湯 桂枝二兩半 芍藥三兩 甘草一兩 膠飴糖半斤 生姜一兩半

大棗六枚 木瓜五錢 柴胡五錢 每一兩水煎臨服加飴糖兩匙 吐瀉後小便不

通胸中實痛者四君子湯加大黃一兩 吐瀉腹中痛轉筋體重脉沉而細者宜四

君子加高良姜白芍藥四君子四味各一兩芍藥良姜各五錢同前煎法服吐瀉

霍亂四肢拘急脉沉而遲者宜四君子湯加姜附厚朴湯四君子四味各一兩生

姜附子厚朴炮製各三錢 同前煎服 吐瀉轉筋四肢厥冷服微緩者宜建中加附

子當歸湯 桂枝一兩 當歸二錢 芍藥二兩 粉草五錢 飴糖半升 生姜一兩 附子

炮二錢 大棗六枚 同前煎服 吐後轉筋木瓜一味煎服良

轉筋

尋常轉筋四時皆有不因霍亂而發者其發多于睡中或伸欠而作丹溪謂此多屬血熱以四物湯加蒼朮紅花酒芩南星水煎服

有筋轉于足大指轉上至大腿近腰結了乃因奉養過厚飲冷感寒而作寒遏其熱寒主收引勁急故筋轉而疼也前方加姜汁臨時服之

足太陽之下血氣皆少則善轉筋踵下痛

丹溪曰轉筋徧身入肚不忍者作極鹹鹽湯于槽中暖浸之 礬湯亦妙 蓼湯亦

好

仲景云轉筋之爲病其臂脚直脉上下行微弦轉筋入腹者雞屎白散主之 雞屎

白炒爲末取方寸匕以水六合和溫服

聖惠方 肝虛轉筋用赤蓼莖葉切作三合水一盞酒三合煎四合分二服

孫尚藥 脚轉筋疼痛攣急 松節二兩剉如米粒乳香一錢以瓦器內慢火炒令

焦只留一分出火毒爲末每一錢至二錢熱木瓜酒調下但是筋病疼痛皆妙不

獨轉筋而已

外臺治轉筋取舊綿以醋浸甑中蒸及熱用綿裹患脚上冷則易勿傷皮以瘡爲

止

秘方 脚轉筋無時甚好 雄猪陰莖一條全者薄切香油煎熱細嚼鹽酒送下空

心服連進三朝奇驗

中惡客忤門

中惡客忤者無故忽然而病倒者是也多受于道途及早晚門外忽得之卒受非節之氣令人心腹絞痛脹滿叫喚氣冲心胸不急治則死磨好其煙墨一盞熱湯解服之又有鹽湯探吐亦好卒死鬼擊或先病因睡臥間忽然而絕皆是中惡之候若脉氣應指心頭仍暖者搗石菖蒲灌之立甦如口噤須灌從鼻入

中惡暴死 石菖蒲爲末每用五分安舌底又吹入兩耳及鼻中則甦

中惡入心須死 阿魏末鹽酒調下一錢半連進二服效

中惡吐血 生桔梗取汁每服一鍾日三無生者以乾者爲末仍以桔梗湯調下

中惡客忤 蘇合香丸姜湯調下妙

欬逆門

內經曰歲金太過欬逆金鬱之發欬逆少陰二氣欬逆古謂之嘔逆氣上逆作聲之名也經曰諸逆衝上皆屬于火是心火刑于肺金也易老曰欬逆者火熱奔急上行而肺金不納何其當哉俗以爲噦者非蓋噦者出聲也噦出其氣噦聲盡然後呼也出入呼吸大有不同况噦者本于胃欬逆者本于肺又豈可例論哉然是症或由水漬于肺而心痞或喜笑過多而氣噎或嚥飲錯喉而氣噎或急食乾物而氣塞皆令作欬逆之聲連續不絕俗謂吃忒是也人或以紙撚取鼻嚏而止或冤以恣賊因恐而止或鼻熱聞食香調氣而止皆抑之駭之而使氣下也又有胃氣寒而呃元禮戴氏以雜病發呃者皆屬寒惟有傷寒發呃屬熱蓋由陽明內實過經失下清濁不得升降以致氣不宜通而作或又有飲食填塞胸中而氣不得升

降者或有痰閉于上火起于下而氣不得伸越者又有吐利後胃虛膈熱而作呃者又有氣血虛作呃者不可以不辨也

傷寒陽症欬逆者蓋由陰消將盡腸火暴甚直冲而上出于胃入于肺而作聲所以東垣用涼藥以瀉熱降火其陰症欬逆者蓋以陰氣先消陽火將竭浮于胸中亦欲散也故反用丁香乾姜之屬以養胃中陽氣胃氣一和陽生則陰長也

丹溪云傷寒發呃亦有四症不同有中氣不足脉虛微氣不相續而發呃者宜補中益氣湯加生脉散加黃栢以降虛火或少加附子服之立愈 有陽明內實失下而發呃宜大承氣湯下之 有渴而飲水太過成水結胸而發呃者宜小陷胸湯或小青龍湯去麻黃加附子治水寒相搏發呃者妙 有傳經傷寒熱症誤用姜桂熱藥助火邪痰火相搏而爲呃者宜用黃連解毒白虎湯及竹瀝之類 大凡食呃便秘者大承氣下之便軟者瀉心湯主之 久病虛者見此症最危 心法云欬逆有痰有氣虛有陰火視其有餘不足治之其詳在格致餘論不足者人參白虎下大補丸 有餘并有痰者吐之人參蘆之類 痰碍氣而吃逆者用蜜水吐此乃燥痰不能出 痰者以陳皮半夏 氣虛人參白朮 陰火黃連黃栢滑石 欬逆自痢者活石甘草炒黃栢白芍藥人參白朮陳皮加竹瀝服

戴元禮云欬逆因痰與熱及胃火者極多

橘皮竹茹湯

胃熱多渴噦飢不進飲食

赤茯苓

陳皮

枇杷葉

麥門冬

竹茹

半夏各二錢五分甘草炙人參一錢二分二服每服姜七片水煎一方只用

人參陳皮甘草竹茹

小柴胡湯 加姜三片柿蒂三枚輕服治同上

橘皮乾姜湯 胃寒欬逆 陳皮 通草 乾姜 桂心 人參 甘草各等分 水煎

丁香柿蒂散

病後胃中虛寒欬逆至八九聲相連收氣不回者難治 人參 茯苓

芎 陳皮

半夏 良姜炒丁香 柿蒂各一兩 生姜一兩半 甘草五錢水煎服

調蘇合香丸服尤妙一方只用良姜丁香柿蒂甘草四味水煎服

柿蒂湯

胸滿欬逆不止 柿蒂 丁香各三錢 一方加人參姜五片水煎服

皂莢半夏湯

治咳逆欲死 半夏一兩 皂莢八錢去皮弦酥炙 爲末煉蜜丸梧子大

每三丸棗湯吞日三服夜一服

姜活附子湯

吐痢後胃寒咳逆 姜活 附子炮去皮臍 茴香炒炙半兩 乾姜炮

丁香各一兩

每二三錢水一鍾鹽少許煎七分服

灸咳逆法

乳下一指許與乳相直骨間陷處婦人三壯男左女右只灸一處火至

則瘥不瘥即不治又云其穴只當取乳下骨間動脉處是

無病偶然致飢此緣逆氣而生宜小半夏茯苓湯加枳實半夏湯或用煎湯泡蘿蔔

子研取汁調木香調氣散乘熱服逆氣用之佳

人參白朮湯

人參 黃芩 柴胡 乾姜 甘草炙 梔子仁各五錢 白朮 防風

半夏炮

五味子 每服五六錢加姜五片水煎服

宣明桂苓白朮散 消痰止咳逆散痞塞開堅結痛悶進飲食和臟腑 乾生姜

官桂各二錢半 茯苓 半夏各一兩 白朮 橘紅 澤瀉各五錢 右末麵糊丸小

豆大姜湯下三十九日三服一方加黃連半兩黃栢二兩水丸效尤速

噫門 俗作噯氣

靈樞曰寒氣客于胃厥逆從下上散復出于胃故爲噫又曰心爲噫胃爲噦釋之者曰神不守心故噫胃精內竭故噦傷寒書上焦不至其部故爲噫中焦不至其部故爲噦什之曰上焦竭善噫以上焦受中焦氣中焦不和不能消穀故令噫又曰緩者胃氣有餘噫而吞酸此言有餘者謂胃中有穀物未消故使噫而吞酸由此觀之一由于胃寒一由于胃有宿食然亦有胃火衝逆而致者也有陰虛火因上炎而致者難以概論也治法寒者溫之熱者涼之中焦未和者則消導以通之至于病久虛憊而噫則爲神不守心而爲死症矣

噫與咳逆不同噫乃出氣咳逆則爲入氣然治法胃寒亦宜橘皮乾姜湯胃熱宜橘皮竹茹湯中焦未和而熱壅鬱或以調胃承氣下之或以加減平胃散以消之陰虛宜以四物湯或芎歸湯加知母甘草以滋之

靈樞註云噫象火烟隨焰出心不受邪故噫出之宜甘草瀉心湯以生姜易乾姜有微熱時噫者小柴胡湯

二陽一陰發病主驚駭背痛善噫欠也

仲景旋覆代赭湯 治痞而噫

本事方枳殼散 心下蓄積痞悶或作痛多噫敗卵氣 枳殼 白朮各五錢 香附

一兩 檳榔二錢 爲末每二錢米飲調下日三服

丹溪云噫氣胃中有痰有火 又云曾治宣州一人氣上築心膈噫氣脉之右關短

弱左關尺洪長而大數此肝有熱宜瀉肝補脾 青皮一錢 白朮二錢五分 木通

甘草二分 水煎下保和丸十五粒抑青丸二十粒

清胃中痰火 鬱熱噤氣 南星製 半夏各二兩半 軟石膏 香附各一兩 山梔

子七錢 每八錢水煎服

下氣門

下氣屬心虛經云夏脉者心也心脉不及下爲氣泄者是也

河間云腸胃鬱結穀氣內發而不能宣于腸胃之外故善噫而或下氣也

診論云顛癇勞瘵若氣下泄不止者必死此真氣竭絕腸胃腠理閉塞穀氣不能宣

于腸胃之外故從腸胃中泄出也

漏氣走哺門

病者身背皆熱肘臂攣痛其氣不續膈間厭悶食入則先吐而後下名曰漏氣此由

上焦傷風開其腠理經氣失道邪氣內著麥冬湯主之 麥門冬 生蘆根 竹

茹 白朮 人參 甘草 茯苓 陳皮 萎蕤

走哺病者下焦實熱大小便不通氣逆不續嘔逆不禁名走哺人參湯主之

人參湯即前方加知母石膏黃芩

嘈雜門

生生子曰內經云胃爲水穀之海無物不受若夫濕麵魚腥水果生冷以及烹飪粘滑難化等物恣食無節脾氣受傷失其健運之常清痰稠飲由此而生嘈雜由此而作也夫嘈雜之爲症似飢不飢似痛不痛而有懊惱不自寧之態是也或兼噯氣痞滿惡心漸至胃脘作痛數者多挾痰火故丹溪云嘈雜是痰因火動治法宜以南星半夏橘紅之類以消其痰芩連知母石膏梔子之類以降其火蒼朮白朮芍藥之類以健脾行濕又食鬱者梔子姜炒黃連山渣之類又有濕熱鬱滯不喜食者宜三補丸加蒼朮倍香附蔣氏云心嘈索食白朮黃連陳皮作丸白湯下七八十丸數服而愈要在臨症加減

脉法 右寸脉緊而滑兩寸弦滑胸中有留飲 寸脉橫者膈上有橫積也 右關弦急甚者爲木乘土位欲作胃反難治

嘈雜亦有中氣不足者以六君子湯加竹茹黃連三補丸 黃芩 黃連 黃栢等

分 蒸餅糊丸服

三聖丸 白朮四兩 黃連四錢 陳皮一兩 神曲糊丸姜湯下 右關脉沉嘈雜 二

陳湯加藿香 若吐而有物有聲者加砂仁 有聲無物加姜炒黃連

眩暈門

丹溪曰眩言其黑暈言其轉

林氏曰眩者玄也謂忽然眼見黑花昏亂少頃方定暈者運也謂頭目若坐舟車而